



Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's Affairs

Broj: 06-11- 24441/24
Datum: 19.04.2024. godine

Na osnovu člana 18. stav (2) Zakona o javnim nabavkama BiH ("Službeni glasnik BiH", broj 39/14 i 59/22), člana 1. tačka (a) pod (2) Pravilnika sa popisom ugovornih organa koji su obavezni primjenjivati Zakon o javnim nabavkama BiH („Službeni glasnik BiH“, broj 21/15), Pravilnika o postupku dodjele ugovora o uslugama iz Anex-a II Zakona o javnim nabavkama („Službeni glasnik BiH“, broj 2/23), Uredbe o kontroli javnih nabavki u svim institucijama čiji je osnivač Kanton Sarajevo („Službene novine Kantona Sarajevo“, br. 27/19, 48/19 i 13/20), Plana javnih nabavki za 2024. godinu broj: 06-11-1603-1/24 od 22.01.2024. godine, člana 21. Pravilnika o javnim nabavkama Ministarstva za boračka pitanja Kantona Sarajevo („Službene novine Kantona Sarajevo“, br. 14/23 i 17/23), Ministar za boračka pitanja Kantona Sarajevo d o n o s i,

O D L U K U

o pokretanju postupka nabavke: Pružanje usluga klimatskog liječenja (rehabilitacije)
za pripadnike boračke populacije Kantona Sarajevo za 2024. godinu
JRJN: 85000000-9 - Usluge u području zdravstva i socijalne zaštite

Član 1.

Odobrava se pokretanje postupka nabavke usluga klimatskog liječenja (rehabilitacije) za pripadnike boračke populacije Kantona Sarajevo za 2024. godinu.

Član 2.

Nabavka usluga klimatskog liječenja (rehabilitacije) za pripadnike boračke populacije Kantona Sarajevo za 2024. godinu će se izvršiti iz sredstava obezbjeđenih u Budžetu Ministarstva za boračka pitanja Kantona Sarajevo za 2024. godinu sa pozicije 614200 DAM025 „Sredstva za zdravstvenu zaštitu boračke populacije“ Procijenjena vrijednost javne nabavke iznosi **150.000,00 KM** (slovima: stotinupedesethiljada KM).

Član 3.

Objavljeno o javnoj nabavci i Javni poziv će se objaviti na Portalu javnih nabavki u skladu sa članom 5. stav (3) Pravilnika o postupku dodjele ugovora o uslugama iz Anex-a II Zakona o javnim nabavkama („Službeni glasnik BiH“, broj 2/23).

Član 4.

Nakon okončane procedure javne nabavke, sa izabranim ponuđačem/ima će se zaključivati sukcesivni ugovori za upućene grupe korisnika uz preciziranje termina boravka.
Korištenje usluga klimatskog liječenja (rehabilitacije) će se provoditi do 07.10.2024. godine.

Član 5.

Proceduru nabavke usluga klimatskog liječenja (rehabilitacije) za pripadnike boračke populacije Kantona Sarajevo za 2024. godinu će provesti Komisija imenovana Rješenjem ministra.



Član 6.

Za realizaciju ove Odluke zadužuje se sektor za boračko invalidsku zaštitu ministarstva, u saradnji sa sektorom za ekonomske poslove i projekte ministarstva.

Član 7.

Ova Odluka stupa na snagu danom donošenja.

O b r a z l o ž e n j e

Za postupak javne nabavke usluga klimatskog liječenja (rehabilitacije) za pripadnike boračke populacije Kantona Sarajevo za 2024. godinu donosi se Odluka o pokretanju postupka javne nabavke usluga klimatskog liječenja (rehabilitacije) za pripadnike boračke populacije Kantona Sarajevo za 2024. godinu.

Predmetna nabavka planirana je Planom javnih nabavki za 2024. godinu broj: 06-11-1603-1/24 od 22.01.2024. godine.

Usluge klimatskog liječenja (rehabilitacije) za pripadnike boračke populacije Kantona Sarajevo za 2024. godinu se odnose na usluge iz Anex-a II Zakona o javnim nabavkama BiH i proveće se po procedurama propisanim Zakonom o javnim nabavkama BiH („Službeni glasnik BiH“, br. 39/14 i 59/22), Pravilnikom o postupku dodjele ugovora o uslugama iz Anex-a II Zakona o javnim nabavkama („Službeni glasnik BiH“, broj 2/23), Uredbom o kontroli javnih nabavki u svim institucijama čiji je osnivač Kanton Sarajevo („Službene novine Kantona Sarajevo“, br. 27/19, 48/19 i 13/20) i ostalim podzakonskim i internim aktima.

Nakon okončane procedure javne nabavke, sa izabranim ponuđačem/ima će se zaključivati sukcesivni ugovori za upućene grupe korisnika uz preciziranje termina boravka.

Klimatsko liječenje (rehabilitacija) za svakog korisnika pojedinačno, a po osnovu priložene medicinske dokumentacije će se provoditi po osnovu odluke Ljekarske komisije koju imenuje ministar za boračka pitanja Kantona Sarajevo.

Korištenje usluga klimatskog liječenja (rehabilitacije) će se provoditi do 07.10.2024. godine.

U skladu sa članom 5. stav (3) Pravilnika o postupku dodjele ugovora o uslugama iz Anex-a II Zakona o javnim nabavkama, na Portalu javnih nabavki će se objaviti Obavještenje o javnoj nabavci i Javni poziv za dostavljanje ponuda.

Pri donošenju ove Odluke, Ministar za boračka pitanja Kantona Sarajevo se posebno rukovodio činjenicom da je predložena nabavka planirana Planom javnih nabavki nabavki za 2024. godinu, da su obezbijedena sredstva za isplatu, te da je predložena odgovarajuća vrsta postupka.

Na osnovu utvrđenog činjeničnog stanja, odlučeno je kao u članu 1. ove Odluke.

